

Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 01-9-04-53012/24
Sarajevo, 01.11.2024. godine

BOSNA I HERCEGOVINA
FEDERACIJA BOSNE I HERCEGOVINE
OPĆINA NOVO SARAJEVO
SLUŽBA ZA KOMUNALNE POSLOVE I STAMBENE POSLOVE I SAOBRAĆAJ
ODSJEK ZA SAOBRAĆAJ,
Zmaja od Bosne broj 25,
SARAJEVO

PREDMET: Odgovor na inicijativu Mjesne zajednice „Gornji Kovačići“, dostavlja se;
VEZA: Vaš akt broj:10-19-4-8285/24 od 30.09.2024. godine

U vezi Vašeg akta broj i datum veze, dostavljamo odgovor na inicijativu, koju je podnijela Mjesna zajednica „Gornji Kovačići“, a koja je glasila „Da se postavi video nadzor na raskrsnici ulica Ljubljanska -Put mladih Muslimana.“.

Odgovor:

„Ministarstvo unutrašnjih poslova Kantona Sarajevo je mišljenja da predmetna inicijativa nije opravdana.
Imajući u vidu da je u periodu od 01.01.2023. godine do 01.09.2024. godine na predmetnom lokalitetu evidentirano 14 (četnaest) saobraćajnih nezgoda, te zbog specifičnosti raskrsnice ulica Ljubljanska-Put Mladih Muslimana, strukture lokacije, frekvencije saobraćaja i mogućnosti same efikasnosti postavljanja kamere za kontrolu brzine kretanja, mišljenja smo da navedena inicijativa nije opravdana.“.

S poštovanjem,

Prilog:

1. Akt Ministarstva unutrašnjih poslova Kantona Sarajevo
Ekspertne radne grupe za razmatranje inicijativa za postavljanje
Stacionarnih radara i ocjenjivanje opravdanosti inicijativa



Adresa: Sarajevo, La Benevolencija 16
Tel: + 387 (0)33 286-701, 286-702,
Fax: + 387 (0)33 226-445
Web: <http://mup.ks.gov.ba>, Email: ministar@mup.ks.gov.ba

- broj:01-30-1-4378-3-20-2/24 od 01.10.2024. godine
2. Akt Ministarstva unutrašnjih poslova Kantona Sarajevo
Ekspertne radne grupe za razmatranje inicijativa za postavljanje
Stacionarnih radara i ocjenjivanje opravdanosti inicijativa
broj:01-30-1-4378-3-20-4/24 od 29.10.2024. godine
3. CD x1.



Dostaviti:

1. Naslovu;
- ② Za objavu na web stranici Ministarstva;
3. a/a.



Adresa: Sarajevo, La Benevolencije 16
Tel: + 387 (0)33 286-701, 286-702,
Fax: + 387 (0)33 226-445
Web: <http://mup.ks.gov.ba>, Email: ministar@mup.ks.gov.ba

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
Ekspertna radna grupa za
razmatranje inicijativa za postavljanje novih jedinica
stacionarnih radara i ocjenjivanje opravdanosti inicijativa

Broj: 01-30-1-4378-3-20-4/24

Datum: 29.10.2024. godine

MUP KANTONA SARAJEVO

n/r sekretaru

PREDMET: Raskrsnica ulica Ljubljanska - Put Mladih Muslimana, Općina Novo Sarajevo,
inicijativa za postavljanje video nadzora, o d g o v o r, -

Dana 15.10.2024. godine, Ekspertna radna grupa je zaprimila akt Općine Novo Sarajevo, Služba za komunalne i stambene poslove i saobraćaj, broj 10-19-4-8285 od 30.09.2024. godine, sa inicijativom Mjesne zajednice "Gornji Kovačići", kojom se između ostalih zahtjeva navedenih u dostavljenom emailu, traži postavljanje video nadzora za detekciju prolaska kroz crveno svjetlo na raskrsnici ulica Ljubljanska - Put Mladih Muslimana, općina Novo Sarajevo.

Obzirom na ograničenje nadležnosti ove Ekspertne radne grupe u pogledu postavljanja video nadzora za detekciju prolaska vozila kroz crveno svjetlo, obavještavamo Vas da je Ekspertna radna grupa razmatrala na sjednici održanoj 23.09.2024. godine, inicijativu koja je dostavljena emailom od strane vijećnika Općinskog vijeća Novo Sarajevo, Dučić Arslana, provjeru opravdanosti postavljanja stacionarnog radara za mjerenje brzine kretanja vozila a koja se odnosi na istu lokaciju, raskrsnica ulica Ljubljanska - Put Mladih Muslimana.

Inicijativa ocijenjena kao "NIJE OPRAVDANA".

PRILOG; 1 x odgovor na inicijativu, od 01.10.2024. godine

1 x fco inicijative Službe za komunalne i stambene poslove i saobraćaj, Novo Sarajevo, broj 10-19-4-8285 od 30.09.2024. godine

PREDSJEDAVAJUĆI RADNE GRUPE

Edin Modžić

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
Ekspertna radna grupa za
razmatranje inicijativa za postavljanje novih jedinica
stacionarnih radara i ocjenjivanje opravdanosti inicijativa

Broj: 01-30-1-4378-3-20-2/24

Datum: 01.10.2024. godine

PREDMET: Raskrsnica ulica Ljubljanska -Put Mladih Muslimana, Općina Novo Sarajevo,
inicijativa za postavljanje stacionarnog radara, o d g o v o r, -

I
(Generalne informacije)

U cilju objektivne procjene potrebe za postavljanjem radara na području Kantona Sarajevo, Rješenjem Ministarstva unutrašnjih poslova Kantona Sarajevo broj 01-30-1-4378 od dana 05.10.2021.godine, te Rješenja o izmjeni rješenja broj 01-30-1-4378-3/21 od 19.10.2023. godine, formirana je Ekspertna radna grupa za razmatranje inicijativa za postavljanje novih jedinica stacionarnih radara i ocjenjivanje opravdanosti inicijativa (u daljem tekstu Ekspertna radna grupa).

Dana 20.08.2024. godine Ekspertna radna grupa je zaprimila akt sa inicijativom - emailom vijećnika Općinskog vijeća Novo Sarjevo, Dučić Arslana, kojim se između ostalih zahtjeva navedenih u dostavljenom emailu, traži postavljanje stacionarnog radara na raskrsnici ulica Ljubljanska - Put Mladih Muslimana, općina Novo Sarajevo.

II
(Odgovor na inicijativu)

Na osnovu tačke I Rješenja o formiranju ekspertne radne grupe, na sjednici održanoj dana 10.07.2024. godine, Ekspertna radna grupa je razmatrala pristigle inicijative, među kojima je i inicijativa vijećnika Općinskog vijeća Novo Sarjevo, Dučić Arslana, kojim se između ostalih zahtjeva, traži postavljanje stacionarnog radara na raskrsnici ulica Ljubljanska - Put Mladih Muslimana, općina Novo Sarajevo.

S ciljem objektivnog sagledavanja opravdanosti realizacije predmetne inicijative, Ekspertna radna grupa zatražila je od organizacionih jedinica Uprave policije Ministarstva unutrašnjih poslova Kantona Sarajevo, Odjeljenja za saobraćajne istrage, Jedinice za saobraćaj i Policijske uprave Novo Sarajevo, cjelovitu informaciju o broju saobraćajnih nezgoda, evidentiranih na predmetnom lokalitetu, za period 01.01.2023. godine do 01.09.2024. godine.

Ekspertna radna grupa, vezano za prethodni upit, zaprimila je akt Odjeljenja za saobraćajne istrage broj 02/2-3-03-25-16/24 od 06.06.2024. godine, u kojem je konstatovano da

su za vremenski period od 01.01.2023. do 01.09.2024. godine, na predmetnom lokalitetu, evidentirane 3 saobraćajne nezgode sa materijalnom štetom, za koje su uviđaj vršili policijski službenici ovog Odjeljenja.

U aktu Jedinice za saobraćaj broj 02/2-6-03-1326/24 od 27.08.2024. godine, konstatovano je da za vremenski period 01.01.2023. godine do 01.09.2024. godine, na predmetnom lokalitetu, od strane policijskih službenika Jedinice za saobraćaj, izvršen jedan uviđaj saobraćajne nezgode, u kojoj je nastala manja materijalna šteta na vozilima.

Prema podacima iz informacije Policijske uprave Novo Sarajevo broj 02/10-1-03-3-6503/24 od 04.09.2024. godine, na predmetnom lokalitetu, u periodu 01.01.2023. godine do 01.09.2024. godine, na raskrsnici ulica Ljubljanska - Put Mladih Muslimana, općina Novo Sarajevo, evidentirano je ukupno 11 (jedanaest) saobraćajnih nezgoda, u kojima je nastala manja materijalna šteta na vozilima, bez povrijeđenih učesnika u tim saobraćajnim nezgodama.

Također, u cilju sagledavanja stanja saobraćajne infrastrukture, frekvencije saobraćaja i drugih relevantnih faktora, koji utiču na sigurnost učesnika u saobraćaju, Ekspertna radna grupa izvršila je obilazak dijela saobraćajnice na kome je dostavljenom inicijativom predloženo postavljanje stacionarnog radara, te uzimajući u obzir sve gore navedene podatke, na sjednici Ekspertne radne grupe, održanoj dana 24.09.2024. godine, jednoglasno je usvojen zaključak da inicijativa kojom se traži postavljanje kamere za kontrolu brzine kretanja vozila na raskrsnici ulica Ljubljanska - Put Mladih Muslimana, općina Novo Sarajevo

NIJE OPRAVDANA

III (Obrazloženje)

Uzimajući u obzir prethodno navedene činjenice, zatim sve specifičnosti raskrsnice ulica Ljubljanska - Put Mladih Muslimana, strukturu lokacije, frekvenciju saobraćaja, kao i mogućnosti same efikasnosti postavljanja kamere za kontrolu brzine kretanja, ekspertna radna grupa je ocjenila da navedena inicijativa nije opravdana.

IV
(Prijedlog mjera)

S obzirom da inicijativa ocijenjena neopravdanom, članovi Ekspertne radne grupe predlažu alternativne mjere koje će doprinijeti povećanju stepena sigurnosti saobraćaja na traženoj lokaciji:


1. Planirati prisustvo policijskih službenika na predmetnom lokalitetu u vrijeme pojačane frekvencije kretanja vozila, naročito u jutarnjim i popodnevrim terminima
2. Planirati povremenu kontrolu brzinu kretanja vozila na predmetnom lokalitetu od strane policijskih službenika, kao i kontrolu poštivanja saobraćajnih pravila od strane vozila i pješaka.

PREDSJEDAVAJUĆI RADNE GRUPE

Ećin/Hadžić

DOSTAVITI:

1. MUP KANTONA SARAJEVO, n/r gosp. Admir Katica, ministar,
2. UPRAVA POLICIJE, n/r gosp. Fatmir Hajdarević, policijski komesar,
3. MUP KANTONA SARAJEVO, n/r sekretaru,
4. Uprava policije, PU Novo Sarajevo, n/r načelniku
5. a/a.



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs

Broj: 01-9-02-2-56216/24
Sarajevo, 18.11.2024. godine

KANTON SARAJEVO
OPĆINA VOGOŠĆA
SLUŽBA ZA STAMBENE I KOMUNALNE POSLOVE,
Jošanička broj 80,
VOGOŠĆA

PREDMET: Odgovor na vijećničku inicijativu, dostavlja se;
VEZA: Vaš akt broj: 07-04-1746/24 od 07.11.2024. godine

U vezi Vašeg akta broj i datum veze, dostavljamo odgovor na inicijativu, koju je, podnio vijećnik Sivac Munib, a koja je glasila „Da se u pojedinim naseljima u općini Vogošća postave ograničenja brzine do 30 km/h, te da se postave mobilni radari koji bi učinkovito djelovali na predloženo ograničenje brzine.“

Odgovor:

„Ministarstvo unutrašnjih poslova Kantona Sarajevo je razmotrilo inicijativu, koju je podnio vijećnik Sivac Munib, te utvrdilo da je inicijativa uopštena tj. da u istoj nisu navedeni tačni nazivi naselja, ulica i lokaliteta na području općine Vogošća na kojima bi se postavila ograničenja brzine od 30 km/h i postavili mobilni radari. Uprava policije, Ministarstva unutrašnjih poslova Kantona Sarajevo preduzima planske mjere i radnje koje se odnose na kontrolu vozila i vozača sa posebnim akcentom na prekršaje koji se odnose na prekoračenje dozvoljene brzine kretanja motornih vozila, o čemu se na mjesečnom nivou sačinjava Plan akcije pojačane kontrole brzine kretanja vozila na području Kantona Sarajevo, te će ista koristeći raspoložive ljudske resurse i materijalno-tehnička sredstva nastaviti sa kontrolom učesnika u saobraćaju, djelujući preventivno i represivno u skladu sa svojim ovlaštenjima“.

S poštovanjem,

Prilog:

1. Akt Ministarstva unutrašnjih poslova Kantona Sarajevo Uprave policije broj:02/2-6-03-1789/24 od 15.11.2024. godine,
2. CD x1.




Dostaviti:

1. Naslovu;
2. Za objavu na web stranici Ministarstva;
3. a/a.



Adresa: Sarajevo, La Benevolencija 16
Tel: + 387 (0)33 286-701, 286-702,
Fax: + 387 (0)33 226-445
Web: <http://mup.ks.gov.ba>, Email: ministar@mup.ks.gov.ba



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs
Police department

Broj: 02/2-6-03-1789/24
Datum: 15.11.2024. godine

MINISTARSTVO UNUTRAŠNJIH POSLOVA KANTONA SARAJEVO
- n/r Sekretaru

PREDMET: Vijećnička inicijativa vijećnika Sivac Muniba, odgovor, d o s t a v l j a m o.-

VEZA: Vaš akt broj: 01-02-2-56216/24 od 12.11.2024. godine

Vijećnik, Sivac Munib na 39. radnoj sjednici Općinskog vijeća Vogošća, održanoj dana 29.08.2024. godine, pokrenuo je slijedeću inicijativu:

“Pokrećem inicijativu kojom građani predlažu postavljanje znakova ograničenja brzine od 30 km/h kroz pojedina naselja u općini Vogošća i šire. Imamo negodovanje građana zbog postavljanja ležećih policajaca na uzbrdicama, a i dalju potrebu za njima, jer je evidentno da pojedini vozači nesavjesno jurcaju. Postavljanje mobilnih radara bi itekako bilo učinkovito na predloženo ograničenje brzine. Molim nadležnu službu da razmotri i proslijedi nadležnim ovu inicijativu”.

Odgovor na vijećničku inicijativu:

Poštovani,

Obavještavamo vas da smo razmotrili inicijativu vijećnika općinskog vijeća Vogošća, Sivac Muniba, kojom prilikom je konstatovano da je vijećnička inicijativa uopštena, obzirom da u istoj nisu navedeni tačni nazivi naselja, ulica i lokaliteta, na području općine Vogošća, gdje građani negoduju zbog postavljenih ležećih policajaca, te ujedno traže postavljanje ograničenja brzine od 30 km/h, kao i postavljanje mobilnih radara.

U vezi navedene inicijative Policijska uprava Vogošća, Uprave policije MUP-a Kantona Sarajevo, dostavila je mišljenje Službi za investicije i komunalne poslove, općine Vogošća, broj 02/15-1-03-3-4321/24 od 18.10.2024. godine, u kojem je navedeno, da je postavljanje i uređenje horizontalne i vertikalne saobraćajne signalizacije, kao što su saobraćajni znakovi i posebni objekti na kolovozu za smanjenje brzine kretanja vozila u nadležnosti Ministarstva saobraćaja Kantona Sarajevo i nadležne općinske službe, općine Vogošća. Također, u navedenom mišljenju naznačeno je da bi postavljanje mobilnih radara na pojedinim dionicama i ulicama općine Vogošća, doprinjelo u poboljšanju sigurnosti saobraćaja.